

Konferencija „Dani infrastrukture prostornih podataka Federacije BiH“ – Prva obavijest

28.07.2025 13:35



Infrastruktura prostornih podataka Federacije Bosne i Hercegovine

Federalna uprava za geodetske i imovinsko-pravne poslove

Federalna uprava za geodetske i imovinsko-pravne poslove, kao koordinaciono tijelo Infrastrukture prostornih podataka u Federaciji Bosne i Hercegovine, organizuje šestu konferenciju „Dani Infrastrukture prostornih podataka Federacije Bosne i Hercegovine“, koja će se održati 25. i 26. septembra 2025. godine u Mostaru, hotel Mostar.

Ovogodišnja konferencija se organizuje u okviru aktivnosti projekta GeoConnect – Povezivanje geoinformatičkih ekspertiza za odgovorno i transparentno upravljanje, koji se finansira putem Netherlands Enterprise Agency (RVO) u okviru programa Matra Government-to-Government (Matra G2G). Program pruža podršku projektima u zemljama susjedstva Evropske unije s ciljem jačanja vladavine prava, demokratije i dobrog upravljanja. Više informacija o projektu GeoConnect dostupno je na službenim web-

stranicama IPP FBiH, FGU i drugih partnerskih institucija uključenih u njegovu realizaciju.

U okviru priprema konferencije, planirano je održavanje tematskih predkonferencijskih radionica – 23. septembra u Sarajevu i 24. septembra u Mostaru – za ciljane grupe subjekata IPP FBiH.

Detaljne informacije o konferenciji (agenda, pozvana predavanja i predavači) bit će objavljene u drugoj obavijesti krajem augusta. Ove godine planiran je bogat naučno-stručni program, posebno orijentisan ka Subjektima IPP FBiH.

Za dodatne informacije, obratite se putem e-mail adrese: ipp.fbih@fgu.com.ba